

欽定剿平粵匪方略

欽定剿平粵匪方略卷二百九十三 壬戌年

二月十七日庚午左宗棠奏旨賊首楊輔青率大

股賊衆回撲徽州均由嚴州府屬之遂安踰嶺而入一蔓延徽屬之巖寺潛口等處楊逆率之以窺徽郡一蔓延衢屬開化之張村中村等處賊目鍾明佳藍以導等率之以窺婺源兩股人數衆多意在深入江皖腹地阻我援浙之師以

合圍衢郡臣於上年十二月閒派候選直隸州知州劉典率各營由廣信閒道馳赴婺源旋據稟報鍾逆及各股匪盤踞張村等十餘處將由濟嶺大鏞諸嶺犯婺臣以賊勢趨重婺源我軍並留防婺源之兵僅止五千餘名不敷防剿婺源居安徽徽州江西廣信兩郡之中地勢在所必爭十九日親率留駐廣信之親兵營老湘營

前進行抵德興飭道員王開來率老湘七營赴  
德婺交界之白沙關臣自率親兵營五百餘人  
赴婺督勦時賊目鍾明佳已遣騎分犯大鏞嶺  
濟嶺二處婺源守嶺練丁紛紛告急劉典派隊  
下嶺擊卻之二十六日劉典率各營由江灣過  
大鏞嶺分路進勦候補同知直隸州知州朱明  
亮帶隊直抵張村賊壘賊倉猝迎拒嶺上瞭望

之賊又四路包抄而下朱明亮左右衝突正危  
急聞參將黃少春等率所部從右路石佛嶺馳  
下賊分途迎拒我軍整隊衝殺斃悍賊數百名  
忽會村賊從後路抄至劉典等率馬步各隊縱  
擊賊數路俱敗躡追至原山始收隊而還是役  
連破賊卡賊巢十餘處斃賊一千數百名鍾逆  
敗後退至馬金街老巢是日徽防副將張運桂

等會擊巖寺潛口之賊亦獲大捷賊巢一空餉道無梗楊輔青遂於二十九日竄去徽郡解嚴而婺源之防亦固本年正月十五日臣率七營由汪口踰大鏞嶺進劉典率五營由江灣踰濟嶺進先飭老湘七營由白沙關進駐篁岸兼扼開化華埠之衝十七日臣部前隊甫抵篁岸忽報逆衆數千由銀坑出張村曹門而至石佛嶺

都司楊和貴等遇賊鏖戰王開來派軍繼進賊  
駭而奔官軍乘勝蹙之斬馘無數追至張村撤  
隊十八日臣率各營行抵張村劉典率各營至  
何村兩路相距三十餘里持數日糧約期分路  
進剿皆以七成隊出戰三成隊守營賊於馬金  
街高環等處踞險爲巢而於近巢山坳徧立卡  
柵層層密布守禦甚固二十日臣派隊由嚴坑

出口先攻高坪一路賊卡劉典率各營先攻高  
環一路賊卡黃少春等由何村進抵高環該逆  
憑卡堵禦知縣陶鴻勳等從嶺後突出夾擊賊  
不知所措棄卡狂奔劉典等分兵循嶺包抄而  
下遮賊去路縱橫痛擊適張村各營已攻破高  
坪賊卡總兵崔大光等率所部分途追剿前來  
與何村各營會合立將馬金霞山原山徐塘口



等處賊巢掃蕩一空兩路分途搜剿共計斃悍賊五百餘名生擒二百餘名敗賊分竄遂安常山地界均棄械狂奔經各鄉民沿途截殺者亦不下千餘名據生擒賊供藍逆已於高環卡破時被官兵陣斬鍾逆聞高坪卡破已單騎先遁此外大小賊目殲斃不少現在衢州府屬開化縣境一律肅清臣飭老湘營進駐開化縣城親

率各營進駐馬金街探報遂安縣城尙有賊踞  
臣當確探賊蹤相機援勦務保完善之區此次  
臣所部將士踴躍隨征連獲大捷著有勞績可  
否由臣擇尤保獎之處出自

天恩至陣亡各員先行請

旨飭部照例給予卹典奏入

上命議政王軍機大臣傳諭左宗棠曰左宗棠之軍

入浙所辦尙爲得手現在衢州所屬開化縣境肅  
清衢郡後路可期穩固該撫率兵進駐馬金街相  
機進剿遂安之賊婺源旣已無警饒廣兩郡亦相  
庇以安江皖邊境不須回顧該撫胸有成竹定能  
步步爲營一意進取務當隨時與曾國藩通籌大  
局毋失事機李雲麟一員尙在湖北著左宗棠咨  
行官文調取赴浙

上諭內閣曰此次逆賊占踞開化張村等處竊伺衢  
州冀阻官軍進剿之路左宗棠由婺源進剿連獲  
大勝卽著乘此聲威節節掃蕩迅殄逆氛陣亡之  
擬保訓導陳修都司銜守備朱三和守備歐光保  
千總羅朝松把總曾義成外委嚴福保廖朝棟均  
著交部照例議卹在事出力文武員弁並著左宗  
棠查明擇尤保奏候朕施恩

左宗棠又奏言臣軍業已入浙所有餉需一切  
自應設立糧臺轉運以資接濟衢州偏於一隅  
難期應手現擬暫於江西廣信府設立糧臺爲  
收支軍餉子藥總匯再於玉山縣設立轉運局  
以利師行所有廣信糧臺查廣信府知府鍾世  
楨精明幹練堪以委辦其玉山轉運局卽由臣  
委隨征局員會同署玉山縣知縣章澂暫爲經

理均可無誤惟此後各處兵勇調集臺局事務  
益繁又師行日遠勢非逐漸擇地移設不可鍾  
世植章漱係江西守令職任攸屬臣軍隨征之  
員無多委實無可調遣查有湖南候補道王加  
敏自咸豐四年以來在湖南辦理軍需糧臺從  
無貽誤江西候補道胡墉勤幹有爲堪以委辦  
臺局各務該兩員均籍隸浙江情形旣熟呼應

欽定四庫全書  
卷之三十三  
一  
較靈若令赴臣營聽候差遣必有裨益合無仰  
懇

皇上天恩飭下江西湖南撫臣飭催各該員迅速遵  
辦俾臣得收指臂之助奏入

上命議政王軍機大臣傳諭沈葆楨毛鴻賓曰據左  
宗棠奏稱該撫之軍業已入浙擬於江西廣信府  
設立糧臺卽委知府鍾世楨辦理以爲收支軍餉

子藥總匯再於玉山縣設立轉運局委知縣章澂  
會同左宗棠隨征局員經理此後各處兵勇調集  
事務益繁師行日遠必須逐漸擇地添設臺局查  
有湖南候補道王加敏江西候補道胡塘均堪委  
辦臺局各務等語軍行餉運最關緊要現當浙江  
軍務孔亟臺局需人經理自係實在情形著沈葆  
楨毛鴻賓卽飭各該員等遵照該撫所籌妥爲辦



理毋稍貽誤

左宗棠又奏冒杭城之陷失事各文武多由海道奔赴上海縱令繞道馳赴臣軍多係應行查辦之員未敢朦混收錄將來克復城池卽需委員經理而臣軍差遣乏人現在檄調各員又難剋期趕到計惟有將臣軍尤爲出力應保各文員先行甄敘相應開列仰懇

皇上天恩給予獎敘俾臣得收指臂之助於浙省吏  
治軍政必有裨益奏入

上諭內閣曰浙省杭城失陷後失事文武均係應行  
查辦之員其將來經理地方及軍營差遺在在乏  
員自應如左宗棠所請將隨營出力各員先行獎  
敘留於該地方以資得力知州劉典著以知府留  
於浙江補用並賞加道銜知縣楊昌濬著以同知

留於浙江補用主簿楊鼎勳著以知縣留於浙江  
補用並賞加同知銜知縣劉璈著以同知留於浙  
江補用並賞戴花翎卽選府經歷縣丞陶鴻勳著  
以知縣留於浙江補用並賞加同知銜廩生鄭錫  
澤著以知縣留於浙江補用並賞戴藍翎知縣李  
耀南著以同知留於浙江補用縣丞李壽榮著以  
知縣留於浙江補用文童朱鈺著以縣丞留於浙

江補用卽選知縣劉盛治著留於浙江以知縣卽補俟補缺後以同知升用以示鼓勵

同日杭州將軍瑞昌浙江巡撫王有齡浙江提督饒廷選奏言逆首李秀城糾黨數十萬乘李逆侍賢攻撲浙東各郡省垣兵分從江西入浙直趨杭州九月十七日攻陷餘杭之後卽偏省城數日之間十門合圍張玉良帶兵來援紮營

江口於十月二十日中敵陣亡所部各營交總  
兵況文榜接統先後數十戰將士傷亡無數竟  
無一綫餉道可通臣等暨在城司道督率文武  
員弁分門堅守滿擬太常寺卿左宗棠署金衢  
嚴道李元度兩軍來援乃迄今兩月毫無消息  
城中米糧俱盡三軍枵腹荷戈百姓道殣相望  
死者已三四萬人誠恐旦夕變生大局決裂臣

等罪重通天恨深入地惟有仰懇

皇上天恩飭下各路統兵大臣暨各省督撫迅發重  
兵以圖恢復東南幸甚

王有齡又奏言杭城決裂情形危在旦夕所有  
在城文武皆應與城存亡以報

恩遇惟念況文榜江口水陸各營不下一萬數千人  
左宗棠李元度兩軍終當轉戰而下若能同心

勁力尙有恢復之機第恐城陷之後各大員相  
隨俱盡則江口各營無人經理亦將渙散不及  
再待援軍以後進兵更難措手查藩司林福祥  
所部營盤尙在江口署藩司麟趾素得士心臣  
現諄囑該藩司等設或城垣莫保卽當忍死須  
臾設法出城收集潰散會合各路援師力圖恢  
復儘得仰邀

皇上福庇或可收效桑榆此亦臣於無可如何之中姑作萬有一然之想該藩司等屆時能否出城雖未可必然東南大局苟有生機可望不能不爲我

皇上圖之

同日浙江布政使林福祥奏言上年逆首李秀城由江西回竄會合李侍賢大股賊匪攻撲杭



城九月二十三日武林門外大關及賣魚橋官兵失利營盤俱爲賊踞時臣正在金華一路勦賊當卽會合提臣饒廷選星夜回援二十八日抵省經撫臣檄派在江口紮營十月初二日賊衆大隊各路包抄駐守鳳山門外副將楊金榜王振聲力戰陣亡所有饒首山營盤全行失陷賊衆四面合圍並將臣部江口營盤隔絕在外

臣祇帶親兵五百人在城內守禦初六日提督張玉良由聞家堰督率水陸各軍來援進紮江口與城中兵勇內外夾攻旬日之間頗多斬獲十九日攻勦賊壘張玉良中礮陣亡旋經撫臣檄派總兵況文榜接統並嚴檄各將領晝夜環攻不遺餘力無如賊勢太衆漸至內外隔斷不獨糧米軍火不能運入城內卽文報音信遞送

亦難延至十一月十二日以後米糧罄盡各軍  
皆宰食羸馬繼採食草根樹皮時撫臣知事不  
可爲密札臣與麟趾儻城池不守卽設法出城  
收集潰兵力圖恢復當另用白綾小字繕就奏  
藁二分分交臣與麟趾儻二人中有一能出城  
者於奏報時恭呈

御覽臣與麟趾泣涕奉札五內如焚然猶望援兵且

夕得來可以希冀萬一及至二十四五等日援  
兵仍無信息二十八日辰刻候潮門城下之營  
先行火起兵勇一時盡散於是賊匪紛紛爬城  
而上撫臣王有齡在鳳山門力竭捐軀臣與麟  
趾各率所部分投巷戰中道又復相失忽見賊  
匪數十人追殺織造恆起臣連放洋槍斃賊數  
名遂將恆起救出途遇總兵繼興帶領閩兵已

革總兵米興朝帶湖南兵約會同入滿營守禦  
二十九日賊匪攻撲滿營臣隨同將軍瑞昌督  
率滿漢兵勇日夜鏖戰不能歇息十二月初一  
日巳刻滿營又被攻破將軍瑞昌乍浦副都統  
傑純皆力竭戰死副都統關福偕總兵繼興由  
錢塘門衝殺而出臣偕已革總兵米興朝參將  
張虎臣王興棠遊擊林連高都司劉加玉饒廷

杰季超羣知州汪廷樞及織造恆起等各率兵  
勇盪決數十次由武林門衝殺至海塘一路臣  
與米興朝及諸將弁均身受數傷行至海塘五  
堡始悉江邊各營全行踏毀祇得權就彼處駐  
紮旋有逃出弁勇述稱撫臣王有齡屍身已被  
賊匪棄出鳳山門外學臣張錫庚總兵文瑞均  
已殉難又臣家丁來營詢知臣之妻室梁氏女

淑和及家屬十餘口被殺殆盡其餘被害官民  
不可勝計賊匪概將城內各屍擡出城外拋棄  
有該處監生馬廷楷潛使難民覓得王有齡張  
錫庚文瑞及臣妻臣女各屍身乘夜負至五堡  
地方從權收殮天氣嚴寒顏色未變臣卽令馬  
廷楷設法運赴上海將軍瑞昌副都統傑純等  
屍身無從覓獲此外文武各官或死於亂軍之

中或衝散出城尙無下落伏查此次李秀城會  
合李侍賢以百萬之衆圍攻杭城六十餘日疊  
被我軍擊敗自十一月初八日糧絕之後猶能  
死守兼旬卒以外援隔絕糧道不通以致失陷  
將軍瑞昌撫臣王有齡等於城破之日皆以身  
殉可否從優

賜卹之處出自



皇上格外恩施至臣部營盤雖隔絕在外然臣隨同  
撫臣守禦不能力保危城實屬罪無可辭應請  
皇上飭部將臣從重治罪其餘文武各員下落應俟  
新任撫臣查明覈辦

林福祥又奏言臣奪圍而出衝至江邊不料沿  
江營盤均已潰散惟閩海甯尙未失守臣擬前  
赴該處整頓兵勇再圖進剿詎在海塘五堡探

知海甯亦陷當卽繞道前赴湖州行抵中途見  
德清以上徧地賊蹤不能前進遂輾轉而至桐  
鄉縣之屠田市鎮暫爲駐紮正月十七日探悉  
江南水師提督曾秉忠於十二日派隊追賊至  
嘉善縣之西塘地方並探悉浙江各將領如總  
兵況文榜吳再升副將貴廷芳陳步高等並其  
餘各將弁俱已乘舟抵滬臣等卽由屠田市鎮

銜至西塘馳赴會秉忠營中初議備撥兵勇由  
嘉善直入爲恢復杭州之計奈會秉忠兵單不  
能分撥臣擬沿江馳赴兩江督臣曾國藩及新  
任浙江撫臣左宗棠大營稟商辦理或於路過  
上海時遵照已故撫臣王有齡遺札收集潰散  
會合各將領等徑規甯波一路臣以戎行從事  
受

先皇帝特達之知，畀以藩司重任。浙省危亡，未能援救。目擊城池淪陷，人民塗炭，骨肉慘亡，公憤私仇，萬死亦難瞑目。今從罟獲陷阱之中，轉戰而出，但得假以偏師，殫竭驚駭，痛殲醜類，以洩仇憤。卽肝腦塗地，亦所不惜矣。

同日杭州織造恆起奏言：上年九月間，賊撲杭  
州省城。臣隨同撫臣王有齡晝夜堵禦，奈糧絕

二十餘日外援不至遂於十一月二十八日外  
城失陷臣目擊心傷不勝憤恨擬入滿營以圖  
恢復行至通衢賊衆麕至臣卽帶領壯丁接戰  
多時正在危急之際突遇布政使林福祥帶領  
兵勇衝殺而來合將賊匪擊斃多名遂偕林福  
祥同入滿營隨同將軍瑞昌督兵血戰城中糧  
食久盡賊來益多初一日滿城亦陷時臣與林

福祥尙整隊鏖戰見城中火光四起遂由武林  
門衝殺出城希冀調集外援復此仇恨行至海  
塘五堡旋聞浙江各將領於杭城失陷後俱由  
錢塘江馳往上海臣因同林福祥繞道前進現  
已行抵江蘇婁縣境內擬卽就近前赴上海此  
次賊犯杭省雖由糧盡援絕然未能奮力滅賊  
保固危城負罪已深慚憤何極應請

皇三身圖之則卷二十三  
皇上飭部將臣從重治罪均奏入

上命議政王軍機大臣傳諭薛煥左宗棠曰前因杭  
城失陷屢經諭令左宗宗等將杭城文武下落及  
總兵況文榜等潰退情形並林福祥饒廷選蹤跡  
一併查明具奏茲據林福祥奏稱該員先由金華  
回援杭城駐紮江口自帶親兵五百人入城守禦  
因賊勢太衆糧盡援絕撫臣知事不可爲密札林

福祥與麟趾以城池不守卽當設法出城收集潰  
兵力圖恢復另用白綾小字繕就摺片彙二分交  
林福祥麟趾二人分收豫備出城後附奏報呈覽  
城陷後林福祥與麟趾各率所部巷戰與麟趾中  
道相失林福祥偕織造恆起各率兵勇由武林門  
衝殺而出另片奏擬由桐鄉之屠田市鎮沿江赴  
會國藩左宗棠軍營乞假偏師圖復杭州各等語



並據恆起奏稱杭城失陷時與林福祥帶兵衝殺  
同入滿營旋復相偕衝殺出城與林福祥所奏情  
節大略相同林福祥以藩司大員當省城失陷時  
不能與將軍巡撫等同時殉難例有應得之罪其  
所稱奉有將軍巡撫等帛書囑令忍死須臾潛圖  
恢復省城等情是否實有其事抑係飾詞著左宗  
棠確切查明據實具奏署浙江藩司杭嘉湖道麟

趾聞其平日居官尙好此次瑞昌等帛書片彙內亦稱其素得士心林福祥摺稱與之中道失散其是否出城及有無下落著一併查明具奏恆起雖無守土之責亦係欽派之員摺內所稱衝殺出城各節及自請從重治罪之處並著左宗棠查辦學政張錫庚副都統傑純殉難情形著左宗棠查奏總兵繼興前經慶端奏請業已賜卹茲據林福祥

奏該總兵與副都統關福由錢塘門衝出等語副都統關福總兵繼興已革總兵米興朝參將張虎臣王興棠遊擊林連高都司劉加玉饒廷杰季超羣知州汪廷樞均著左宗棠薛煥查明嚴行叅奏其乘舟赴滬之總兵況文榜吳再升副將貴廷芳陳步高及一切將弁均著薛煥就近傳旨拏問解赴左宗棠軍營仍遵前旨與羅大春一併訊明按

照軍法從事

十九日壬申袁甲三奏言臣前約楚軍進攻廬郡

旋接多隆阿函稱已派總兵雷正綰石清吉統帶精選飛虎等十四營即日進趨廬郡臣當派副將徐鵠等前往整頓各練於曹家古堆橫店等處紮營以遏北竄旋探楚軍已至廬城南門西門外查看情形該逆負隅死守並未出拒楚

軍步步爲營現已至二十里鋪臣續接多隆阿  
函稱布置已漸周密擬卽派隊攻城但城大而  
堅恐未能速下等語臣又委副將朱淮森押解  
軍火前往會商徐鵬等進至城北十三里古堆  
十八里岡七里河等處相地安營令駐防定遠  
之總兵吳秀調撥參將張景春一軍再由臨淮  
抽撥大隊派總兵張得勝統帶前往聯絡楚軍

會合夾攻西路潁郡尙未解圍勝保計日可到  
自必亟圖援勦 臣前次函商李續宜酌派駐六  
之總兵吉順援潁一節嗣接吉順來稟已調兵  
七百餘人赴潁該鎮因病留六未能前往李續  
宜約於正月底自鄂啟行由安慶前赴六安紮  
定老營再圖進勦現已先飭總兵蕭慶衍成大  
吉道員葉兆蘭於前月二十六等日分起星馳

援穎由固始取道前進計日當已趕到

袁甲三又奏冒據李世忠呈稱前月二十六日  
九洑洲賊股竄至江浦浦口城外和州賊衆亦  
分股出巢圍撲橋林烏江營盤經升用總兵李  
顯爵等分兵固守將賊擊退而南岸之賊由九  
洑洲通江集一帶渡江爲數不下數萬勢將與  
我力爭要隘江浦兩城情形危急請催調糧餉

軍火礮船前往接濟以資戰守並據稟稱上游  
楚師礮船若能抽撥二百隻由西梁山至烏江  
一百二十里江面停泊下游礮船抽撥一百隻  
由九洲至烏江八十里江面停泊則上下游  
聲勢聯絡江南髮逆不能飛渡江北不難廓清  
可省無限兵力 臣查江浦浦口本係江北地方  
既經責成李世忠派隊駐守所需糧餉軍火自



應由江北糧臺籌濟臣已飛催吳棠轉飭速解  
以應急需所稱上下游礮船聯絡遏賊北渡不  
爲無見應請

飭下曾國藩督同彭玉麟都興阿督同黃彬酌量抽  
調上下嚴防以聯聲勢而杜竄越又據李世忠  
稟洪逆有僞文勸令獻城投賊該提督受

恩深重斷不爲其所搖請代奏明等情臣查該提督

矢志忠貞洵屬可嘉理合附陳奏入

上命議政王軍機大臣傳諭袁甲三李世忠曰髮逆  
負嶠廬郡楚師業已進抵西南兩門袁甲三派兵  
往會著卽督飭該總兵等相機前進會合夾擊藉  
得迅掃逆氛穎郡是否解圍仍著袁甲三隨時偵  
探撥兵援剿不得稍有推諉至江浦浦口兩城地  
關緊要現在九洲洲及和州賊匪分投來撲南岸

之賊渡江者復不下數萬李世忠業派李顯爵等將圍撲橋林等匪擊退仍著激勵將士實力防剿無稍疏懈所請調撥上下游師船三百隻駛赴烏江聯絡扼截已諭令曾國藩都興阿等迅速如數調派至李世忠軍營糧餉軍火應由江北糧臺籌撥現值軍情喫緊卽著袁甲三等行知吳棠源源撥解毋許稍有遲誤李世忠矢志忠勤逆賊投以

僞文該提督懇請袁甲三代爲奏明尤見惻忱  
摯實堪嘉尙現在江北漸就肅清卽當進擣金陵  
擒渠掃穴該提督勗力行閒正可渥邀懋賞也

上又命議政王軍機大臣傳諭曾國藩都興阿曰江  
浦浦口等城爲江北緊要門戶現在南岸大股賊  
匪由九洑洲等處竄渡北岸勢將以全力併注兩  
城與官軍力爭隘口該兩城甫經收復兵力本不

甚厚設南岸賊匪再行陸續渡江防剿更形棘手  
亟應將上下游師船移調該處江面以防逆匪竄  
渡俾江北早行廓清可省無限兵力著曾國藩督  
同彭玉麟於上游楚師礮船內迅速抽撥二百隻  
山西梁山至烏江江面停泊並著都興阿督同黃  
彬於下游礮船內抽撥一百隻由九洑洲至烏江  
江面停泊聯絡聲勢遇有賊船卽力行截擊俾該

逆無從駛渡北岸烏江水面路通和州巢縣爲廬  
郡賊匪水路出入門戶現在廬郡圍攻喫緊尤宜  
嚴密防範諒曾國藩等必能統籌兼顧速撥師船  
分防不至遷延貽誤也

二十日癸酉官文奏言自江浙蘇常甯紹杭等郡

先後失陷賊勢聯成一片其犯江西犯兩楚爲  
該逆詭詐必有之謀如湖南之巴陵平江瀏陽

湖北之興國通山崇陽等屬皆竄路所必經此  
湖南之東北湖北之東南各路節節宜防也又  
皖逆陳玉城上年經楚軍擊敗克復安慶掃蕩  
隨州黃州而後該逆率殘敗之餘遁往廬郡勾  
結豫捻復圖由信陽而擾光固湖北之應山孝  
感黃陂黃安麻城等屬處處喫重此楚省之東  
北宜防也又豫捻自去年屢擾襄樊疊經我軍

擊退而桐柏唐縣等處另股捻逆出沒無常北  
省之襄陽棗陽隨州皆當其衝此楚省之西北  
宜防也又安徽壽州爲苗練所踞恃髮捻各匪  
爲黨與蓄謀窺楚羅田蘄水黃州均形喫緊此  
楚省之正東一路宜防也又蜀寇旋滅旋起去  
冬復有黔匪自川省竄犯楚北施屬之來鳳縣  
又經石逆大股由粵西假道湖南會於龍山雖



經官軍克復來鳳連次勦辦獲勝該匪等敗退  
川黔邊境而夔萬重慶一帶情形緊急現令楚  
南官兵暨劉嶽昭一軍分道追勦並由鄂省派  
總兵何紹彩等營前赴宜昌又派撥礮船上駛  
兼顧夔州咽喉此又楚北西路上游之患防勦  
不遑之情形也伏查兩湖居東南數省之上游  
又爲南北各省之樞紐江浙旣失則兩湖尤爲

東南之根本臣前於咸豐六年克復武漢八年  
克復九江後卽與曾國藩胡林翼等共籌東征  
之策方期安慶得手我師節節下勦進偏金陵  
迅殄巨憝不意浙省又有大變逆練復逞志壽  
州牽我兵力東南之患至於此極也臣因曾國  
荃新募之十二營到鄂已由鄂省糧臺籌撥餉  
需催令下駛惟江面東西梁山賊卡重疊陸路

無可繞越我軍驟難進取現在下游皖楚各營  
節次增募兵力漸充進討機宜勢不可緩臣愚  
以爲廬州克復後酌留兵勇夾擊捻匪撫臣李  
續宜則率所部駐紮安慶另撥數營守維揚會  
合水師遏截江面然後分一軍由鎮江進攻蘇  
常分一軍由蕪湖急圖金陵分一軍攻甯國而  
趨湖州直規杭城分一軍由常玉二縣入衢州

而恢復甯紹諸路並進約期齊舉使賊首尾不能相顧一路得手則他路皆可迎刃而解此臣與曾國藩殫思竭慮昕夕籌維者也皖北多隆阿一軍業經咨報拔營進徧廬郡前李續宜赴皖時臣與商派成大吉蕭慶衍等營馳援潁郡以解城圍留蔣凝學所部仍守六安以固楚皖邊界其襄棗各屬徧近豫捻道路紛歧臣先已

各行署提臣顏朝斌安襄道金國琛相機妥辦  
又令舒保歐陽正墉等馬步各軍駐紮德安兼  
顧隨州應山孝感黃安等屬而令梁作楫一軍  
堅守麻城兩路要道以杜捻匪窺伺或再添募  
一軍爲鄂省東南一路勦守之用至上游川黔  
各匪仍飭南北兩省兵勇擇要扼防此現在楚  
北軍務喫重處處宜防分別籌辦之實在情形

也湖北歲入錢清正賦本有常經此外捐輸鹽  
釐等項或頻年勸辦民力凋殘或商賈阻滯收  
數頓減而楚北官員廉俸旗綠各營坐餉各路  
防兵軍餉悉出於此下游水陸馬步各師糧餉  
亦出於此其軍火馬匹礮械戰船亦於楚北是  
賴頻年竭蹶情形久荷

聖明鑒及然東南大局攸關旣無畛域可分尤當竭

盡愚誠悉心籌策以副

宵旰憂勤之至意

官文又奏言侍郎宋晉所陳川楚江皖五省合  
勦之舉至切至當臣前與曾國藩胡林翼早已  
商議及此俟安慶收復合力大舉東征惟事隨  
時遷五省情形近時變幻不一難期合力同謀  
現如四川徧地皆賊來去無常駱秉章因川省

兵勇未能用命調募南勇從征又以本省防剿  
自顧不遑各協餉均已停止業經駱秉章將一  
時力難相顧情形縷悉覆奏此川省之不能合  
力也皖省經賊蹂躪時歷十年田園荒蕪瘡痍  
滿目現雖收復安慶省垣正宜安撫難民毋使  
流離暫時餉無所出現在駐皖各軍糧餉仍賴  
楚省籌撥此皖省之難以合力也江西錢漕較



兩湖幾增三倍而協餉京餉動撥較多庫項屢空頻年被賊竄擾皆待鄰省援師此江西之不能合力也湖南常三面不靖籌本境之防剿濟皖南之軍餉安內攘外不遺餘力而他省各路大營將領士卒出於湖南者十之七八亦已應接不遑矣楚北數年以來所收錢漕捐輸鹽釐等項綜計歲入不下三百餘萬兩除本省旗綠

各營坐餉僅發五成其餘儘數撥解前敵各軍  
每月餉需在四十萬內外又兼造船買馬製備  
槍礮火藥篷帳器械等件歲計亦需用數十萬  
近因川蜀不靖蘇浙大變商賈不通鹽課牙釐  
大形減色計積欠皖餉爲期已七八月之久爲  
數至四百餘萬之多自克復安慶後地闊兵單  
不得已又陸續增募二十餘營以資下游剿守

入款有虧出款倍增近日支絀情形深懼有顧  
此失彼之虞此五省合力之難而實賴兩湖兵  
力餉力以濟東征下游一日未平卽兩楚之憂  
一日未已此臣所昕夕焦思難安寢食者也奏  
八

上命議政王軍機大臣傳諭官文曾國藩曰官文奏  
江浙蘇杭賊勢狡獪皖豫四川逆氛環逼湖北界

連數省處處防剿不遑現在統籌軍務大概情形於規畫東南大局極合機宜惟兵貴神速軍情旦夕變遷過於迂緩恐落後著所有進取布置機宜著官文曾國藩統籌全局會商定議迅速辦理楚師已抵廬州西南兩門著卽飭多隆阿等會合袁甲三兵練迅速進攻儻能力拔堅城方可分布各軍直圖進取其曾國荃一軍卽飭進圖巢縣和含

梁山以與江北江浦等軍會合毋稍遲誤湖北爲  
下游大營後路官文仍當督飭各軍慎密守禦俾  
東征無虞返顧其上游川黔各匪並著飭令南北  
兩省兵勇擇要扼防以維大局侍郎宋晉所陳五  
省合剿事宜事屬難行惟將來大舉東下亦不能  
不借資各省以奏膚公所有東征兵數餉數卽著  
官文咨商會國藩籌議辦理

二十一日

甲戌

田興恕奏言接奉

諭旨命臣遴選勇丁派總兵沈宏富管帶赴浙江歸  
左宗棠調遣查沈宏富等軍勦辦玉華尙大坪  
兩山黃匪老巢現當喫緊之際未可輕撤該二  
山逆匪爲黔省腹心之患沈宏富等轉戰經年  
已將羽翼逐漸翦除逆首何得盛譚洸前等恃  
險抗拒現已將其四面圍困大約不出兩月定

能得手臣現擬剋日出省督戰以冀迅速蕝事  
若將該二山一律蕩平卽當遵

旨派沈宏富帶兵馳往浙江聽候左宗棠調遣奏入  
上命議政王軍機大臣傳諭田興恕韓超曰前因石  
達開股匪竄徧川疆諭令田興恕卽率所部剋日  
由綦江取道重慶進剿一切進止歸駱秉章節制  
該提督此時當可接奉前旨著迅速赴川早殄逆

氛沈宏富勦辦玉華尙大坪兩山黃匪未可驟離  
亦係實情著韓超督飭進勦剋期蕩平卽遵旨飭  
令該總兵管帶勇丁星速前赴左宗棠軍營助勦  
毋稍延緩

二十二日

乙亥

京口副都統海全奏言臣到任後

察看鎮城兵勇不獨多無器械亦且衣食不周  
二月初十日兵勇齊隊於鎮城內大肆擄掠聲



稱馮子材有都天廟等處捐卡四座現存錢兩  
三萬串不放接濟惟有擄掠度命等語十一日  
又風聞該兵勇揚言欲搶馮子材公寓及鎮江  
府衙門當經馮子材調隊入城保護復經臣催  
令馮子材將存錢先行散放當於十二日每兵  
勇放錢四百八十二文軍心稍安現逆賊雖未  
出巢而相離不遠儻聞風回竄竟有不堪設想

者惟望道員李鴻章一申到鎮庶可以資整頓而保危城奏入

上命議政王軍機大臣傳諭曾國藩都興阿曰海全奏鎮城兵勇聲稱馮子材有都天廟等處捐卡存錢兩三萬串不放接濟欲搶馮子材公寓及鎮江府衙門馮子材調隊入城保護經海全催令將存錢先行散放軍心稍安等語鎮江防勦最關緊要

馮子材在鎮日久熟悉地方情形且逆匪屢次撲城尙能抵禦是以令其暫緩赴滬仍留鎮江督辦軍務若如海全所奏馮子材於所收捐項並不隨時支放口糧以致兵勇譁然揚言搶掠公署尙復成何事體都與阿駐紮江北去鎮城甚近自必確有所聞著海全所奏各情先行據實馳奏毋庸有所顧忌並著曾國藩將鎮江兵勇滋鬧情形及

馮子材有無存錢不放情事確切查明另行據實具奏前據曾國藩奏李鴻章統帶淮揚水師五千人戰船二百號再撥給陸軍六七千人便可馳赴下游保衛一方現在鎮城防剿事宜亟須得人而理若李鴻章必俟曾國荃進兵巢和傍城趨過由浦六以達於鎮未免紆遲太甚且所部水軍亦豈能舍舟登陸自應督率師船由水路進發該水師

攻克安慶無爲等處素稱得力卽聞遇賊船賊壘  
諒不難奮力衝開無虞阻遏其近日所招淮勇若  
能另雇民船隨同水軍前進固屬妥便如必需添  
雇輪船裝載卽著趕緊雇齊剋日啟行赴鎮毋得  
徒託空言致馮子材等守禦日久或有疏虞又落  
後著也

二十三日

丙子

駱秉章奏言侍郎宋晉奏請川楚

江皖五省會剿粵逆臣就目前情形統計熟籌  
有不能不先其所急由近及遠者敬爲我

皇上縷陳之查川省滇匪藍逆一股雖殲除殆盡而  
李逆巨股分踞青神鐵山一帶川楚各軍正值  
攻剿喫緊而墊江涪州新甯等處另有逆匪蔓  
延又須派兵追擊現在石逆由湖南會同竄至  
龍山與來鳳之黔匪合股已由湖北之利川關

入川境是腹地之匪徒未盡而邊境之烽燧復  
嚴惟有嚴飭川楚各軍迅將李逆一股及川東  
各股匪洗勦淨盡並咨催黔楚各軍迅速來川  
會勦石逆此後貴州提臣田興恕及所調之臬  
司劉嶽昭回楚添募湘勇之知縣易佩紳道員  
席寶田總兵周達武各營相繼入蜀兵愈增則  
餉愈絀計川省歲入正額錢糧鹽茶稅課等項

統計百萬有零僅敷本省支銷臣莅任以來查  
月需兵勇口糧二十餘萬每年津貼鹽釐兩項  
不及軍餉三分之一現各營積欠已逾百萬必  
先弭切近之患始能籌遠大之圖儻能仰藉

天威將石逆一股合力翦除滇匪以次掃蕩則川省  
腹地邊隅漸見綏靖水陸均無阻滯商旅流通  
凡釐金捐輸一切權餉之法辦有成效自當陸



續轉輸源源接濟斷不敢稍分畛域略有推諉  
奏入報

問